

四庫全書

集部

欽定四庫全書

詞律卷十八

宜興萬樹撰

喜朝天

一百三字

晁補之

衆芳殘詞海棠正輕盈詞綠鬢朱顏碎詞錦繁繡更柔柯映碧  
纖掬勻詞殷誰與將紅間白詞采薰籠仙衣覆斑爛詞如有意  
濃粧淡抹詞斜倚闌干詞妖嬈向晚春詞後慣困歌晴詞景愁  
怕朝寒縱有狂雨便離披口損詞不奈幽閒素口來禽總

俗謾遮映終羞格疎頑誰來顧斜風教舞月下庭間

此調他無可証然據鄙意揣之乃披字素字下各落一字蓋綠髻下與後愁怕下俱同也碎錦繁繡用仄仄平仄而縱有狂雨有字恰與錦字合也更柔柯二句九字對後便離披二句則豈非披字下少一字乎況離披損不成語必是滴損或折損也誰與句六字素來禽句五字必素字下落一奈字蓋此詞咏海棠故以素奈來禽兩種花為比云此兩花相較但見其俗即共相遮映而此兩花之體格終覺疎頑可羞耳終羞格疎願恰對前仙衣覆班斕同是平平仄平平豈非前後如一乎至兩結各三句尤合矣故敢入二口于字間此但據理論斷未知識者宜見俞否也

竹馬兒

一百三字

兒一作子

葉夢得

與君記平山堂前細柳幾回同挽又征帆夜落危檻依

舊遙臨雲嶽自笑來往匆匆朱顏漸改故人俱遠橫笛

想遺聲但寒松千丈傾崖蒼蘚世事終何已田陰縱

在歲陰仍晚稽康老來尤嬾只要尊羹菰飯却欲便買

茱廬短蓬輕櫂尊酒猶能辦若能過我水雲聊為伴

柳詞起句云登孤壘荒涼危亭曠望圖譜以為上五  
下四而此篇平山堂前四字相連但寒松九字柳云  
指神京非霧非烟深處應作上三下六而此篇該上  
五下四二處想皆不拘檻字柳作平恐是欄字之訛  
尾句柳云又逐殘陽去此尾較順或曰此尾是雲  
水誤倒水雲或曰柳用逐字亦是以入作平未敢臆

斷作者依柳仍用入聲可也若細又夜漸故縱歲便  
畫等字須用去聲柳詞正同譜不足據至云幾回可  
平仄自笑却欲可平平稽康  
可仄仄則改得愈為無謂

征部樂

一百三字

柳永

雅歡幽會良夜可惜虛拋擲追念狂蹤舊跡長祗恁愁

悶朝夕憑誰去花街覓細說與此中端的道向我轉覺

厭厭夢後勞魂苦相憶須知最有風前月下心事始

終難得但願我蟲蟲心下把人看待長似初相識況逢

春色便是有舉場消息待這回好好憐伊更不輕折

或曰惜字是起韻非也勞魂  
當作魂勞不然上是役夢

湘江靜 一百三字

史達祖

暮草堆青雲浸浦記匆匆倦篙曾駐漁榔四起沙鷗未

落怕愁沾詩句碧袖一聲歌石城怨西風隨去滄波蕩

晚菰蒲弄秋還重到斷魂處酒易醒思正苦想空山

桂香懸樹三年夢冷孤吟意短屢烟鐘津鼓屐齒厭登

臨移橙後幾番涼雨潘郎漸老風流頓減閒居未賦

記匆匆至蕩晚與後想空山至漸老同圖譜于此調  
只改得二十一字可云善矣只漁榔二句三年二句

皆平平仄仄何後則免改而前以漁沙二字為可仄  
四字為可平耶重改仄猶可斷豈可改平至怕字屢  
字領句其下四字為平平平仄圖譜欲讀作五言  
詩句故于愁烟二字改作可平便使此句不響矣

雙聲子

一百三字

柳永

晚天蕭索斷蓬蹤跡蔡興蘭棹東遊三吳風景姑蘓臺

榭牢落暮靄初收夫差舊國香徑沒徒有荒丘繁華處

悄無覩惟聞麋鹿呦呦想當年空運籌決戰圖王取

霸無休江山如画雲濤烟浪翻輸范蠡扁舟驗前經舊

史嗟謾載當日風流斜陽暮草茫茫盡成萬古遺愁

後起或讀作三字兩句是以籌字似叶韻也不知此句該在決戰佳句蓋後段之圖王至風流即與前段之乘興至荒丘相同況圖王句連上決戰二字文義亦不妥也觀字上疑有落字驗前經句比前多一驗字或夫差上缺一字耳

### 惜餘歡

一百三字

黃庭堅

四時美景

正年少賞心頻啟東閣芳酒載盈車喜朋侶

簪合杯觴交飛勸酬獻正酣飲醉主公陳榻坐來爭奈

玉山未頽興尋巫峽

歌闌旋燒絳蠟況漏轉銅壺烟

斷香鴨猶整醉中花借纖手重插相將扶上金鞍腰褭



碾春

煔

願少延歡洽

叶

未須歸去

句

重尋艷歌

句

更留時霎

叶

以閤合峽蠟同叶是江西音也正年少以下與後況漏轉以下同啟侶未斷手艷等字仄聲不可依圖用平頻山歌闌烟纖等字平聲不可依圖作仄其餘亂註亦皆不可從如玉山未頽正與重尋艷歌前後相對通篇照合甚是森然且別無他作相証何以見其為可平可仄乎旋煔二字乃去聲讀作平亦誤況煔字對前飲字豈可作平至杯觴以下七字乃落去一字兼有訛錯蓋此句即對後段相將以下八字該每句四字愚謂必係飛觴交勸為一句口杯酬獻為一句或杯觴飛勸交口酬獻口必是平聲字而刻本顛倒脫落也圖因之作七字句無論前後不侔而上四字疊四平下三字勸酬獻更可笑谷老豈若是不通耶且因四平相疊岸然註杯觴二字為可仄則更奇矣醉主公陳榻亦差愚謂公字是人字之訛蓋以主

人比陳蕃耳若主公陳榻則除非  
戲場上有主公之稱豈非笑語

春雲怨 一百三字

馮偉壽

春風惡劣把數枝香錦和鶯吹折雨重柳腰嬌困燕子

欲扶扶不得軟日烘烟乾風收霧巧藥茶蘼弄顏色簾

幙輕陰圖書清潤日永篆香絕盈盈笑靨宮黃額試

紅鸞小扇丁香雙結團鳳眉心倩郎貼教洗金罍共看

西堂醉花新月曲水成空麗人何處往事暮雲萬葉

此係雲月自度曲平仄當依之弄顏色篆香絕倩郎  
貼皆用去平入此一調之音響所關也圖譜隨意亂

欽定四庫全書

詞律  
卷十八

註至以日永句謂可用平仄平平仄共看二句共醉  
謂可平西新謂可仄往事句往暮萬謂俱可平按兩  
重下十三字譜作兩四一五選聲仍之余謂嬌困不  
對兩重且困字去聲不響只作燕子欲扶有理有致

還京樂

一百三字

方千里

歲華慣每到和風麗日歡再理為妙歌新調粲然一曲

千金輕費記夜闌沉醉更衣換酒珠璣委悵画燭搖影

易積銀盤紅泪向笙歌底問何人能道平生聚合歡

娛離別興味誰憐露浥烟籠盡栽培艷桃穠李謾縈牽

空坐隔千山情遙萬水縱有丹青筆應難摹畫顯願

再字畫燭畫字積字夢窗用平桃字夢窗作翳雖或不拘然千里和美成則兩首如一也帳畫燭以下周作任去遠中有萬點相思清泪當于點字為豆此篇則搖影易積四字不可相連蓋搖屬燭積屬泪也吳作風吹遠河漢去樣天風吹冷則用周句法想一氣貫下分豆不拘

雨霖鈴

一百三字

黃裳

天南遊客甚而今却送君南國西風萬里無限吟蟬暗

續離情如織秣馬脂車去即去多少人惜望百里烟慘

雲山送兩城愁作行色飛帆過浙西封域到秋深且

艤荷花澤就船買得鱸鰖新穀破雪堆香粒此興誰同

須記東秦有客相憶願聽了一闕歌聲醉倒揀今日

此係詞綜所載與屯田曉風殘月詞相符只君字柳  
用雨字或可不拘不如依柳為是而飛帆句柳云多  
情自古傷離別如七言詩句此則上三下四不同自  
應從柳詞所以取此者欲廣見聞也甚而今八字柳  
云對長亭晚驟雨初歇是晚字斷句此應於今字作  
且蓋此八字總一氣亦于却字借豆耳秣馬以下十  
一字柳云執手相看汨眼竟無語凝咽譜分上作六  
字句下作五字句大差而語凝二字註可用平仄送  
兩城句柳云暮靄沉沉楚天濶註可用平平仄仄平  
平仄鱸字註可仄須記下八字柳云應是良辰好景  
處設註謂良辰好景  
可用仄仄平平更差

眉嫵

一百三字

又名百宜嬌

王沂孫

漸新痕懸柳澹影穿花依約破初暝韻便有團圓意句深深

拜相逢誰在香徑叶画眉未穩料素娥猶帶離恨叶最堪愛凡

一曲銀鈎小寶簾挂秋冷叶千古盈虧休問嘆謾磨玉

斧難補金鏡叶太液池猶在淒涼處五何人重賦清景叶故山

夜永試待他窺戶端正看雲外山河還老桂花舊影叶

便有至離恨與後太液至端正同畫眉未穩故山夜  
永用去平去上真名筆也觀石帶翠尊共款亂紅萬

點可見圖譜奈何以意窺定乎其餘破在帶挂補賦  
戶等字俱用仄是定格石帶後起云無限風流疎散

譜因註二字叶韻起觀此篇則知非叶也按石帶  
于前尾五字云愛良夜微暖是上一下四此則上二

下三句法各異又石帚後結云又爭似相攜乘一舸  
鎮長見乘一舸下與此篇不同想亦可如此然石帚  
在前定宜從之此所以載碧山此篇者正欲人兩相  
對勘以見用字之法也愚又疑此或是還老桂舊花  
影于桂字且本與姜同而誤以桂花連寫耳按此  
詞俱作百宜嬌不知百宜嬌另有一體係一百五字

情久長

一百三字

或作情長久

呂渭老

鎖牕夜永無聊盡作傷心句甚近日帶紅移眼梨臉擇

雨春心償未足怎忍聽啼血催歸杜宇暮帆挂沉沉暝

色袞袞長江流不盡來無據點檢風光歲月今如許

赴此際浦花汀草一棹東去雲牕口霧閣洞天曉同作

烟霞伴侶叶算誰見豆梅簾醉夢句柳陌晴遊句應未許春知處叶

盡作至擇雨與後歲月至東去同怎忍聽以下與後  
洞天曉以下同只雲窗霧閣一句四字與春心償未  
足五字異是必雲窗句下缺一字故以口補之擇字  
必係揮字之訛此調止聖求二首平仄相同不可亂  
改其第二首于棹字作平必係誤刻此字對上臉字  
也至梨臉句作天外飄逐其通篇用里睡等韻逐字  
失叶亦必誤刻或是  
飄逐天外倒寫耳

迎新春

一百四字

柳永

解管變青律叶帝里陽和新布句晴景回輕照叶慶喜節豆當三  
五列華燈豆千門萬戶叶遍九陌羅綺香風微度叶十里燃絳



樹鰲山聳喧喧簫鼓漸天如水素月當午香徑裏絕纓  
擲果無數更闌燭影花陰下少年人往往奇遇太平時  
朝野多歡民康阜堪隨分良聚對此爭忍獨醒歸去

按此調必係雙疊或當于簫鼓下分段或曰漸天如水二句似對此爭忍一句恐于當午下分段總無他以臆斷也詞可証難

合歡帶

一百四字

杜安世

樓臺高下玲瓏闌芳樹綠陰濃芍藥孤栖香艷晚見櫻  
桃萬顆初紅巢乳燕珠簾鏤曳滿戶香風罩紗幮象

牀屏枕畫眠才似朦朧叶 起來無語更兼慵叶念分明事叶

成空被你厭厭牽繫我怪纖腰繡帶寬叶鬆春來早是分叶

飛兩處長恨西東到如今扇移明月簾鋪寒浪與誰同叶

斷芳樹至屏枕與後念分明至明月同然觀前結與後載柳詞恐尾句誤多與字也分明明字疑誤此字即前段樹字恐原係分手分袂分別之類耳此篇調明字穩可學

又一體 一百五字

柳永

身材兒叶早是妖嬈叶算舉措叶實難描一箇肌膚渾似玉更叶  
都來叶占了千嬌叶妍歌艷舞鶯慚巧舌柳妒纖腰叶自相逢叶

便覺韓娥價減飛燕聲銷

桃花零落溪水潺湲重尋

仙徑非遙莫道千金酬一笑便明珠萬斛須邀檀郎幸

有凌雲詞賦擲果風標況當年便好相攜鳳樓深處吹

簫

首句比前調多一字自相逢下前詞一四一六此一  
六一四後起兩四一六亦與前異後結與前調之前  
結同而便好相攜  
四字平仄亦異

月中桂

一百四字

趙彥瑞

露醕無情送長歌未終已醉離別何如暮雨釀一襟涼

潤來留佳客好山侵座碧勝昨夜疎星淡月君欲翩然

去人間底許員嶠問帆席詩情病非疇昔賴親朋對

影且慰良夕風流雨散定幾回腸斷能禁頭白為君煩

素手薦碧藕輕絲細雪去去江南路猶應水雲秋共色

已醉至然去與後且慰至南路同長歌未終用平平  
去平已醉句且慰句用仄仄平仄問帆席用去平仄  
皆不可擅改暮字雨散雨字皆仄淡細皆去妙送釀  
勝賴定薦等為領句字尤須去聲影字不可用去

陽春 一百四字 或加曲字

楊无咎

蕙風輕鶯語巧應喜乍離幽谷飛過北牕前迎清曉麗

日明透翠幃叶篆臺芬馥初睡起叶橫斜簪玉因甚自覺

腰肢瘦叶新來又寬裙幅叶對清鏡無心欣梳裹誰問着叶

餘醒帶宿叶尋思前懽往事叶似驚回好夢難續叶花亭徧倚

檻曲厭滿眼爭春凡木儘顚賴過了清明候叶愁紅慘綠叶

按此調與梅溪杏花烟一首同只因甚二句上七下六史云還是寶絡雕鞍被鶯聲喚來香陌乃上六下七無他作可証作者隨所擇從之可也至其平仄處與史皆合如麗日明透史云舊火銷處圖譜乃謂可用平仄以平對清鏡句史云記飛蓋西園寒猶疑圖謂飛西猶三字可仄又謂思字回字可仄夢字并厭滿過了慘字俱可平不知何據徧倚檻曲四仄史云故里信息亦改信字可平皆出自新裁者儘顚賴句

八字愁紅句四字無可疑也史云奈芳草正鎖江南  
夢春衫怨碧上云故里信息俱無故此句言江南之  
夢亦被芳草鎖佳耳圖乃讀作上七字下五字夢春  
衫如何解按麗日句史云舊火銷處近寒食愚謂  
火字與此篇日字恐是作平高明者試  
于口中調之以為何如欣字應是忺字

# 綺羅香

一百四字

張翥

燕子梁深秋千院冷半溼垂陽烟縷怯試春衫長恨踏

青期阻梅子後餘潤留寒藕花外嫩涼鎖暑漸驚他秋

老梧桐蕭蕭金井斷蛩暮薰篝須待被暖催雪新詞

未穩重尋笙譜水閣雲牕總是慣曾經處曾信有客裏

關河又怎禁夜深風雨一聲聲滴在疎篷做成情味苦

單仄

單

句

叶

怯試至梧桐與後水閣至疎篷同催雪句六字舊刻  
梅溪做冷欺花一首此句作還被春潮急蓋急字上  
落一晚字也歷查他家俱作六字可証後起六字須  
用三平三仄間有用平平仄平平仄者十中之一耳  
前結金井斷蛩暮必用平仄仄平仄後尾味苦二字  
必用上去聲更有細處如秋千院冷新詞未穩則用  
平平仄仄垂楊烟縷重尋笙譜則用平平仄仄踏青  
期阻嫩涼銷暑慣會經處夜深風雨則用仄平平仄  
此則詞中用字關鍵處如謂鄙言為鑒請驗諸古人  
名詞可也按前結句後起句後結二句俱與齊天  
樂平仄脗合不可為譜註淆惑情  
味二字必須相連說見齊天樂下

霜花腴 一百四字

吳文英

翠微路窄醉晚風憑誰為整歌冠霜飽花腴句燭銷人瘦句

秋光做也都難病懷彊寬恨雁聲偏落歌前句記年時舊句

宿淒涼暮烟秋雨野橋寒妝壓髻英爭艷度清商一

曲暗墜金蟬芳節多陰蘭情稀會晴暉稱拂吟牋更移

画船引珮環邀下嬋娟算明朝未了重陽紫萸應耐看

霜飽至淒涼與後芳節至重陽同病懷句更移句用  
仄平仄平圖以懷字可仄悞也至認烟字為叶而以  
記年時舊宿為五字句淒涼暮烟為四字句尤誤晚  
風憑圖謂可平仄仄猶可若雁字珮字改平而偏字  
改仄則此二句失調矣此腔是夢窗  
自製惟有此曲何所見為可改乎



西湖月 一百四字

黃子行

初<sup>原</sup>弦月挂林梢<sup>句</sup>又一度西園探梅消息<sup>韻</sup>粉牆朱戶苔枝

露<sup>句</sup>葢淡勻輕飾<sup>作</sup>玉兒應有恨<sup>句</sup>為悵望東昏相記憶<sup>作</sup>便解

珮<sup>原</sup>飛入雲階<sup>句</sup>長伴此花傾國<sup>句</sup>還嗟瘦損幽人<sup>句</sup>記立馬

攀<sup>句</sup>條倚欄橫<sup>句</sup>笛少年風味拈花弄葢愛香憐色<sup>句</sup>揚州何

遜<sup>句</sup>在試點染吟牋留醉墨<sup>句</sup>謾贏得<sup>正</sup>疎影寒牕夜深孤寂<sup>句</sup>

此調二首黃註自度商調查他家別無同作者其平仄二首如一自當恪守不可亂填別一首謾贏得句刻本作消瘦沈約詩腰乃消瘦上落了一字故圖譜收作一百三字誤也況此詞兩段字句相同只前結

六字後結四字比前少長伴二字耳前起句六字即同後起句六字圖譜見其別作云湖光冷浸玻璃蕩一餉薰風小舟如葉竟不及觀其此篇而遽錄之遂以蕩字連上讀不知此蕩字蓋指下小舟非指上湖光有何難明處乎宜此篇亦可讀作初弦月挂林梢又乎其別作之後段又註六字何不亦讀作瑤人小摘牆榴為乎異哉異哉譜圖等書每遇四字槩作平平仄仄與仄仄平平不知此中正有大分別處如此篇探梅句倚欄句是仄平平仄此是上三句佳語其下三句亦俱四字而第一句用仄平平仄第二句必須用平平仄仄第三句則仍用仄平平仄抑揚頓挫方為有調此是詞中深微處而亦是詞中明顯處須悟此理便可操鑰以開各調之關鎖矣彼亂填亂註者豈解此哉如圖譜所收此調即黃子行首作其餘字字相同不必言矣所謂四字三句者前云藕花十作文雲梳霧洗翠嬌紅怯後云舊遊如夢新愁似織

泪珠盈睫豈不與此篇一轍故不憚  
饒舌而詳錄之以証鄙言之不妄云

綺寮怨 一百四字

周邦彥

上馬人扶殘醉曉風吹未醒映水曲翠瓦朱簷垂楊裏

乍見津亭當時曾題敗壁蛛絲罩淡墨苔暈青念去來

歲月如流徘徊久嘆息愁思盈去去倦尋路程江陵

舊事何曾再問楊瓊舊曲淒清斂愁黛與誰聽樽前故

人如在想念我最關情何須渭城歌聲未盡處先泪零

查宋詞止此一首無可據正元人王學文有一詞字  
句與此俱同只平仄稍異今取註于旁學文首次句

云忽忽東風又老冷雲吹晚陰圖譜以忽忽東風為  
首句又老冷雲為次句起韻吹晚陰為三句叶韻奇  
乎不奇其詞所用韻乃陰林禁深尋臨沉心吟音皆  
十二侵閉口字豈起韻用一雲字况又老冷雲如何  
解乎當時二句學文云江南庾郎憔悴睡未醒病酒  
愁怎禁本上六下八圖以江南庾郎為一句憔悴睡  
未醒為一句病酒愁怎禁為一句又讀庾平聲遂以  
江南庾郎四字疊平竟註江南二字可仄又以憔悴  
仄酒可平奇乎不奇斂愁黛六字總讀作一句故于  
黛字云可平而其餘之亂圖者更不可勝舉矣奇乎  
不奇

# 送入我門來

一百四字

胡浩然

茶壘安扉靈虺挂戶神儼烈竹轟雷動念流光四序式

週回須知今歲今宵盡似頓覺明年明日催向今夕是

處迎春送臘羅綺筵開今古徧同此夜賢愚共添一

歲貴賤仍偕互祝遐齡山海固難催石崇富貴錢鏐壽

更潘岳儀容子建才仗東風盡力一齊吹送入此門來

動念以下與後互祝以下同向今夕句五字即同後  
仗東風句夕字入作平譜圖不識以向今夕分句謂  
可作平仄仄是字翻作可平竟與後全異夫明日明  
字妙後子字上聲亦可大約調中此等句此一字得  
平為佳用去聲便下乘矣按詞統載此調七十八  
字一體前段無向今夕以下後段無仗東風以下各  
十三字乃明人吳鼎芳作不知其何所本歷查唐宋  
金元皆無此體不足為法選聲收之又誤刻吳鼎南

恐人不知其為明人而學之  
轉謂本譜失載故備註于此

憶瑤姬

一百四字

蔡伸

微雨初晴洗瑤空萬里月挂冰輪廣寒宮闕口望素娥

縹緲丹桂亭亭金盤露冷玉樹風輕口覺秋思清念太

年曾共吹簫侶同賞蓬瀛奈此夜旅泊江城謾花光

眩目綠酒如澠幽懷終有恨恨綺牕清影虛照娉婷藍

橋香楚館雲深擬憑歸夢去殢就枕無奈孤衾夢易驚

此調有訛缺觀其前後則洗瑤空至風輕與謾花光  
至雲深相合但藍橋下落一字耳覺下與擬憑下

未知  
確否

又一體 一百九字

史達祖

嬌月籠烟下楚領香分兩朶湘雲花房漸密時弄杏牋  
初會歌裏慙勤沉沉夜久西牕屢隔蘭燈幔影昏自綵  
鸞飛入芳巢繡屏羅薦粉光新十年未始輕分念此  
飛花可憐柔脆銷春空餘雙泪眼到舊家時即謾染愁  
巾袖止說道凌虛一夜相思玉樣人但起來梅發牕前  
哽咽疑是君

此與前調甚異亦有訛缺姑為句豆未必果然也起  
二句彷彿與前同花房句時字宜仄或花房時漸密  
而誤倒也沉沉以下與前詞全異至後段空餘雙泪  
眼之下竟不可讀愚謂可憐句對前香分句空餘句  
對前花房句即字乃是節字到舊家時節五字對前  
弄杏句五字其下漫染愁巾四字對前歌裏慙勤四  
字則與蔡詞之望素娥九字恨綺牕九字合矣袖止  
二字係訛字此六字乃對前沉沉六字而一夜句七  
字對前段屢隔句七字亦相合矣但起來七  
字亦對前段自絲鸞七字哽咽句則尾也

### 永遇樂

一百四字

又名消息

### 趙師使

日麗風暄可平暗催春去可仄

春尚留戀可平

香褪花梢可仄

苔侵柳徑可平

密

幄清陰展可平

海棠零亂可平

梨花淡泞可平

初聽聞空鶯燕有輕盈可平

幄清陰展

海棠零亂

梨花淡泞

初聽聞空

鶯燕有輕盈

輕盈

輕盈

輕盈

輕盈

輕盈



妍姿靚態緩步閑風仙苑

綠叢紅萼芳鮮柔媚約畧

試粧深淺細葉來禽長梢戲蝶簇簇枝頭見配顏鬢髮

春愁無力困倚画屏嬌軟只應怕風欺雨恨落紅萬點

香褪至靚態與後細葉至雨恨同尚字多用仄聲用  
平者十中二三而已步字可平風字可仄不拘尾句  
仄平仄仄是定格舊詞無不同者萬點去上猶妙若  
譜所收淡烟細雨正是名詞妙處而註作可用平平  
平仄不知何解正如一絕色美人乃必欲矐其目髡  
其鬟而以之示人曰此美人也有是理哉竹山于  
陰字用逝字頭字用幾字兩五字句俱拗查趙以夫  
亦用點字萬字想有此體也耆卿二首于梨花淡泞  
句皆作平仄平平後起第二句皆作六字第三句皆  
作四字而鮮字作仄媚字作平乞顏三句一首作藩

侯瞻望彤庭親攜條吏竟歌元首是一六二四一首  
千春愁無力作槐府登賢與此篇異因他家無此不  
必從之故不另列晁无咎題名消息註云自過腔  
即越調永遇樂故知入某調即異其腔因即異其名  
如白石之湘月即念奴嬌而  
腔自不同此理今不傳矣

又一體

一百四字

陳元平

玉腕籠寒翠欄凭曉鶯調新簧暗水穿苔遊絲度柳人  
靜芳晝長雲南歸雁樓西飛燕去來慣認炎涼王孫遠  
青青草色幾回望斷柔腸薔薇舊約樽前一笑等閒  
辜負年光闌草庭空拋梭架冷簾外風絮香傷春情緒

惜花時候日斜尚未成妝聞嬉笑誰家女伴又還採桑

用平韻與前調異觀此篇畫字絮字仄聲可知前調竹山以夫用仄字非拗矣

拜星月慢

一百四字

或無慢字星或作新

吳文英

絳雪生涼碧霞籠夜小立中庭蕪地昨夢西湖老扁舟

身世歎遊蕩暫賞吟花酌露樽俎冷玉紅香疊洗眼眩

意迷古陶州十里翠參差淡月平芳砌花隕小浪

魚鱗起霧盡淺障青羅洗湘娥春膩蕩蘭烟麝馥濃侵

醉吹不散繡屋重門閉又怕便綠減西風泣秋燭外

作此調者甚少今按片玉夜色催更一首于暫賞至  
疊洗云似覺瓊枝玉樹相倚暖日明霞光爛其本集  
原是十四字嘯餘及圖譜詞統詞綜諸書俱去相倚  
二字論其順拗則去此二字便于讀便于填然查夢  
窗此篇及周草窗賦業陰清一首俱作十四字惟詞  
綜載元人彭泰翁一首云怕似流鶯歷歷惹得玉銷  
瓊碎止十二字但彭詞後于蕩蘭烟句少一字必係  
殘闕且其尾句云月明天似水用五言詩句法與本  
調不合不足以為程式則其十二字者愈不足據矣  
蓋美成詞意以似覺二字領起下二句彷彿相對言  
相遇之人如瓊玉之潤如日霞之光故言似覺也夢  
窗亦以暫賞二字領起樽俎正與疊洗相對洗亦是  
酒器故言暫賞也相倚二字正用蒹葭倚玉故事今  
若去此二字則此篇亦可去樽俎二字矣豈得謂全  
調哉至草窗詞云想人在絮幕香塵凝望誤認幾許  
烟牆風幔想人在卽此嘆遊蕩三字其下于凝望分

斷而誤認以下為一句比周句法各異或可不拘然其字數平仄則未有異耳此詞用五字句者四皆須上一下四不可上二下三且皆是仄平平仄愚疑此五字四句當分四段首于老扁舟身世住次為換頭于古陶洲十里住蓋不惟結句相同而并上四字句且并上六字句亦皆相似也三段于洗湘娥春賦住後為末段蓋翠參差八字句與蕩蘭烟八字句同蕓花混八字句與吹不散八字句同只又怕句比霧盡句多一字耳又按四八字句亦有別翠參差與蕩蘭烟是仄平平蕓花混與吹不散是平平仄但草窗于蕓花混作研箋紅不如周吳紀律也醉字本集作酒此字該叶韻今改正舊譜註末句于西風泣處分作八字而尾作四字大謬圖譜收美成拜星月又收草窗拜星月慢調竟末一校對何怪其句字之各

亂乎

向湖邊

一百四字

江緯

退處鄉關幽棲林藪舍宇第須茅蓋翠巘清泉啟軒牕

遙對遇等閒鄰里過從親朋臨顧草草便成歡會策杖

攜壺向湖邊柳外

旋買溪魚便斫銀絲鱠誰復欲痛

飲如長鯨吞海共惜醺酣恐歡娛難再矧清風明月非

錢買休追念金馬玉堂心膽碎且鬪尊前有阿誰身在

只此一首平仄宜遵或謂此調畧似剪牡丹非也余謂酷似前拜星月慢

瀟湘逢故人慢

一百四字

王安禮

薰風微動方榴花弄色句萱草成窩韻翠帷敞輕羅試冰簟

初展句幾尺湘波疎檐廣廈稱瀟湘句一枕南柯句引多少夢

魂歸緒句洞庭雨棹烟簑句驚回處句閒晝永更時時句燕雛

鶯友相過句正綠影婆娑句況庭有幽花池有新荷句青梅煮

酒幸隨分句羸取高歌句功名事到頭終在歲華忍負清和

翠帷敞下與後正綠影下同帷字平綠字仄似不合  
不知此句在三字畧豆其第二字平仄可不拘況綠  
字入可作平或曰帷字是帳字之訛亦未可知也若  
圖譜云可作平平仄仄平則無此理也此調凡叶韻  
句俱平平住豈有忽掉一仄平住者乎此亦理之最  
淺近者展字亦以上作平歌者不干此字住拍故不

拘耳 按詞統載王秋英一首用仄韻另為一體因是女鬼所作又明時小說故不敢收列而附載其詞

于註云

春光將暮見嫩柳拖烟嬌花帶霧頃刻間風雨把堂  
上深恩閨中遺事鑽火留錫都付却落花飛絮又何  
心絮蠱提壺鬪草踏青盈路 子規啼蝴蝶舞遍南  
北山頭紙灰綠醕奠一丘黃土嘆海角飄零湘陰淒  
楚無主泉扃也能得有情雞黍畫角聲吹落梅花又  
帶離愁歸去  
調甚悠揚或有所本而愚偶未及見耳事字應用韻  
此借叶也

春從天上來

一百四字

王惲

羅綺深宮記紫袖雙垂可仄當日昭容錦封香重彤管春融



帝座一點雲紅正臺門事簡更捷奏清晝相同聽鈞天

侍瀛池內宴長樂歌鍾回頭五雲雙闕恍天上繁華

玉殿珠櫳白髮歸來昆明灰冷十年一夢無踪寫杜娘

哀怨和泪點彈與孤鴻淡長空看五陵何似無樹秋風

帝座下與後十年下同只後空字叶而前天字不叶  
耳吳彥高作亦然年字若照前座字不宜作平或可  
通用吳作前用歌吹後用風雪能細心者亦以不用  
平為佳也譜圖平仄不必言其所收吳詞于看五陵  
句本作對一軒涼月乃落一對字遂收此調為一百  
三字竟不見吳詞前段此句云似林鶯嚙唯有一似  
也字

花心動

一百四字

史達祖

風約簾波

句

錦機寒

句

難遮

句

海棠烟雨

句

夜酒未

句

蘇春枕猶歌

句

曾是悞成歌舞

句

半褰薇帳

句

雲頭散

句

奈愁味不隨香去

句

儘

沈靜文園更渴

句

有人收否

句

嬾記溫柔舊處

句

偏只怕臨

句

風見他桃樹

句

繡戶鎖塵

句

錦瑟空絃

句

無復画眉

句

心緒待拈

句

銀管書春恨

句

被雙燕替人

句

言語意不盡

句

垂楊幾千萬

句

縷

句

未蘓鎖塵俱宜

句

仄平譜圖註可

句

平平大錯觀美成之

句

褪香鳳慵蘆川之

句

乍閒未平竹山之

句

貫簾叩冰惜香

句

之乍濃繫心又一

句

首半開繡衲竹屋

句

之舊家勁松阮

句

氏之乍晴繡衾黃

句

于行之乍零泪乾

句

無不同者且俱

句

用去聲尤妙豈得杜撰謂可平平耶垂楊幾千萬縷亦宜平平仄平去上此乃定格上所引各家亦無不同者譜乃云可用仄平平仄平仄如念奴嬌尾句豈非杜撰耶至沈天羽續集收風裏楊花一首謂是謝無逸所作查溪堂集內並無此詞余以為必非無逸所作蓋于海字作高未字作懸更字作花鎖字作雙已皆失調而待拈句作猛期月滿會姮娥不知此句即配前段半塞句乃會字用去娥字用平垂楊句作甚日于飛時節甚日二字用仄于飛二字用平全失體格矣豈有無逸大名家而作此落腔詞乎且其語鄙陋不堪沈氏亟賞之并引惡濫可笑歪唱傖卒口中之桂枝句以為媲美何其村醜至此可為一嘆縷字誤刻里今改正

歸朝歡

一百四字

又名菖蒲綠

張先

聲轉轆轤聞露井曉引銀瓶牽素縷西園人語夜來風

叢英飄墮紅成逕寶猊烟未冷蓮臺香蠟殘痕凝等身

金誰能得意買此好風景粉落輕粧紅玉瑩月枕橫

釵雲墜領有情無物不雙栖文禽只合常交頸晝夜歡

豈定爭如翻作春宵永日曛曛嬌柔嬾起簾壓捲花影

猊字平夜字仄此二字不拘如稼軒東坡前後俱平  
者卿則前仄後平馬莊父則前平後仄可通用也此  
調前後符合起二句第二字俱用仄三四兩句第二  
字俱用平各家皆同只莊父于後起句用團團實月  
憑纖手此乃誤筆必不可從或本是實月團團憑素  
手亦未可知斷無與前段首句兩樣之理若譜註并

首句亦改從團團句平仄則尤為無理矣好字捲字間有作平者然不如仄聲起調子野用字緻密自在

燕幸  
上耳

西河

一百四字

又名西湖

周邦彥

長安道瀟灑西風時起塵埃車馬晚游行灞陵烟水亂

鴉棲烏夕陽中參差霜樹相倚到此際愁如葦冷落

關河千里追思唐漢昔繁華斷碣殘記未央宮闕已成

灰終南依舊濃翠對此景無限愁思遶天涯秋蟾如

水轉使客情如醉想當時萬古雄名盡作往來人淒涼

事

清真集誤作兩段今分正際字偶合非叶觀各家可知此體他無作者按如葦當作似葦此字各家皆作仄況後如水如醉二句相承此不宜更複

又一體一百四字

王彧

天下事讀

問天怎忍如此叶陵圖誰把獻君句王結愁未已叶少

豪氣概總成塵句空餘白骨黃葦叶千古恨吾老矣叶東遊更

曾吊淮水繡春臺叶上一回登一回搵句泪醉歸撫劍倚西

風江濤猶壯人意叶只今袖手野色裏望長淮豆猶二千

里縱有英心誰寄近叶新來又報烽烟起叶絕域張騫歸來可平

未叶

首三字即起韻第三段起句上四下三及後結俱與前詞不同而未已之未字搵字用去聲亦異袖手野色裏五字疊仄且宜去上去去上方佳不可不知張騫歸來四字疊平勿誤

又一體 一百五字

吳文英

春乍霽清漣画舫融洩螺雲萬點暗凝秋黛蛾照水護將西子比西湖溪邊人更多麗步危徑攀艷蕊叶掬霞到手紅碎青蛇細折小迴廊去天半咫尺画欄入暮起東

風棋聲吹下人世

海棠藉雨半繡地

殘寒褪初卸羅

綺除酒消春何計

向沙頭更續斜陽一醉雙玉盃和流

光洗

向沙頭句比前詞多一字美成千里皆用此體照半亦如前詞用去聲其餘乍畫舫萬黛護更步徑艷細去畫暮下藉半繡卸向更諸去聲俱與周方張無異圖譜亂註謬矣又謂步危徑二句是六字句攀字光字可仄俱背謬之甚且以前二段合而為一尤未體察也按稼軒西江水一首俱與前長安道一調同只後結用此篇體但于醉字不叶韻步危徑六字用會君難別君易平仄稍異因註明不另錄又玉田一首于畫闌上多一字此段宜同首段不應多一字故本譜不收一百六字體其原刻題作西河圖譜另收



西湖一調誤且螺雲下十一字本上七下四玉田云  
闌紅深處小秦箏斷橋夜飲是也圖譜分作上四下  
七青蛇下十一字亦上七下四與前段同美成云空  
餘舊跡鬱蒼蒼霧沉半壘是也圖譜亦分作上四下  
七真顛倒錯亂可嘆也後結云且脫巾露髮飄然乘  
興一葉愁香天風冷興字乃叶韻正與吳詞醉字同  
尾句乃七字也以飄然乘興一葉為一句以尾為五  
字尤誤按此篇汲古刻于細折分斷咫尺作尺向作  
高俱誤  
今改正

百宜嬌

一百四字

呂渭老

隙月垂簾亂蛩催織句秋晚嫩涼房戶燕拂簾旌句鼠窺  
網寂寂飛螢來去金鋪鎮掩句謾記得花時南浦約重陽句

萸糝菊英句小樓遙夜歌舞句銀燭暗佳期細數簾幙漸

西風午牕秋雨葉底翻紅句水面皺碧句燈火裁縫砧杵登

高望極正霧鎖官槐歸路定須將寶馬鈿車訪吹簫侶

燕拂至菊英與後葉底至鈿車同按眉嫵亦作百  
宜嬌實與此調全異不可混也此調微似氏州第

夢橫塘一百五字

劉一止

浪痕經雨鬢影吹寒晚來無限蕭瑟野色分橋剪不斷  
前溪風物船繫朱藤路迷烟寺遠鷗浮沒聽疎鐘斷鼓

似近還遙驚心事傷羈客  
新醅旋壓鵝黃樓清愁在  
眼酒病縈骨繡閣嬌慵爭  
解說短封傳憶念誰伴塗妝  
綰髻嚼蕊吹花弄秋色恨對  
南雲此時淒斷有何人知  
得

平仄宜悉依之病  
字不可從譜作平

尉遲杯 一百五字

吳文英

垂楊逕洞鑰啟時遣流鶯迎  
涓涓暗谷流紅應有緗桃  
千頃臨池笑靨春色滿桐華  
弄粧影記年時試酒湖陰

褪花曾采新杏

蛛絲繡網玄經纔石研開奩雨潤雲

凝

小小蓬萊香一掬愁不到朱嬌翠靚清樽伴人間永

日斷

琴和碁聲竹露冷笑從前醉卧紅塵不知仙在人

境

臨池以下與後人間以下同此篇比片玉隋堤路一首平仄相合只時字作密窗字作念石字作隈耳其餘旁註者則依詞綜所載元人尹公遠詞也纔石研九字周云長恨傍疎林小檻歡聚上三下六此是一氣分豆不拘圖譜將此調改圖三十七字幾不似尉遲杯矣

又一體

一百五字

無名氏

歲云暮嘆光陰冉冉能幾許江梅尚怯餘寒長安信音

猶阻東風無據凭欄久欲去還凝竚憶溪邊月夜徘徊

暗香疎影庭戶朝來凍解霜消南枝上香英數點微

露把酒看花無言有泪還是那時情緒花依舊晨粧何

處謾贏得花前愁千縷儘高樓画角頻吹任教紛紛飛

素

此篇與樂章寵嘉麗一首平仄同但前結柳用自有  
憐才深意與此平仄不同然此句當如念奴嬌之結  
此篇是也柳詞恐是憐才自有深意霜消二字柳用  
鴛被似叶韻者或云被字係衾字之訛原與此無異

也其與前調異處首一字用仄據字叶韻還字平把  
酒下四字兩句還是句止六字花依舊句叶韻此數  
處不同另一體也教字柳  
用宵字自不宜用平聲

又一體一百六字

晁補之

去年時詞正愁絕豆過却紅杏飛叶沉吟杏子青時叶追悔負好

花枝今年又春到句傍小闌日日數花期叶花有信人却無豆

憑故教芳意遲遲叶及至待得融怡叶未攀條拈句蕊又嘆

春歸怎得春如天不老句更教花與月相隨都將命豆揠與

酬句花似峴山落日客猶迷叶儘歸路拍手攔街笑人沉醉句

如泥

用平韻句法與仄韻多同只  
更教句對上如七言偶句

秋霽

一百五字

即春霽

史達祖

江水蒼蒼望倦柳愁荷共感秋色廢閣先涼古簾空暮

雁程最嫌風力故園信息愛渠入眼南山碧念上國誰

是鱸江漢未歸客還又歲晚瘦骨臨風夜聞秋聲

吹動空寂露蛩悲清燈冷屋翻書愁上鬢毛白年少俊

遊渾斷得但可憐處無奈冉冉魂驚採香南浦剪梅烟

驛

此與草堂舊載胡浩然詞平仄如一而夢窗作亦同  
甚矣古人守律之嚴也西麓一首國字失叶乃係誤  
刻此公精密絕倫必不誤也又字亦誤作思乃是念  
字之訛草窗一首于倦柳愁荷作芳園載酒恐是載  
酒芳園悞倒嫌字作舊字仄聲或不拘故園句宜仄  
平去仄草窗故字作年誤又字作蛩聞字作眼可字  
作遊亦俱誤或係傳訛或係敗筆皆不可從作者但  
守胡史吳足矣按草堂收胡詞以此為春霽又收  
秋霽一調與此一字無殊甚為無謂且題下註陳後  
主作怪甚陳後主于數百年前先為此調而字句多  
學浩然豈非奇事今查史陳周俱作秋霽故題名從  
之譜圖以首句為七字念上國連誰是為一句俱奇  
至調中平仄除旁註外一字不可移  
譜註乃無一字不可移尤奇之奇也



曲玉管

一百五字

柳永

隴首雲飛江邊日晚烟波滿目凭欄久一望關河蕭索

千里清秋忍凝眸杳杳神京盈盈仙子別來錦字終難

偶斷雁無憑冉冉飛下汀洲思悠悠暗想當初有多

少幽歡佳會豈知聚散難期翻成雨恨雲愁阻追遊悔

登山臨水惹起平生心事一場銷黯永日無言却下層

樓

此詞亦平仄通叶者思悠悠三字疑是後疊起句因無他作可証依舊錄之

泛清波摘遍

一百五字

晏幾道

催花雨小

叶著柳風柔

叶都是去年時候

好露紅烟綠儘有

叶

狂情鬪春早

叶

長安道

叶

千秋影裏

叶

絲管聲中

叶

誰放艷陽輕

過了

叶

倦客登臨

叶

暗惜光陰

叶

恨多少

叶

楚天渺

叶

歸思正如

叶

亂雲短夢

叶

未成芳草

叶

空把吳霜

叶

鬢華自悲

叶

清曉帝城

叶

香

叶

雙鳳舊約

叶

漸虛孤鴻

叶

後期難到

叶

且趁朝花

叶

夜月翠樽

叶

頻

叶

倒

叶

此詞半神婉約

叶

律度整齊作者何寥寥耶而各譜中

叶

失收更不可解

叶

愚按此詞當是四段合成催花至

叶

欽定四庫全書

詞律

三

春早為一段秋十至多少為二段而長安道三字乃換頭語也只露紅句與倦客句平仄異耳楚天渺至清曉為三段帝城香至末為四段此則字數俱齊者華字照後月字宜仄恐是影字之訛抑或後月字是作平皆未可知然此等不歇拍處原不拘也如前露紅倦客二句唱字皆平平帶過其勢趨向下句于闐字恨字兩去聲着力縱激而以早字少字兩上聲收之空把且趣二句亦然故後二段煞句亦皆用上聲而自字翠字先用去聲也管見如此知天下人莫不以為迂且怪矣前結句詞匯作暗惜花光飲恨多少甚無義理原疑其誤及查汲古刻小山詞又作暗惜花光陰恨多少花光飲與花光陰皆不通因恍然悟後結又用花月則此花字乃誤多而詞匯又因陰字訛作飲字耳

詞律卷十八

欽定四庫全書

集部  
詞律卷二十九

詳校官檢討

臣羅國俊

侍讀

臣

孫球覆勘

覆校官中書

臣

汪學金

校對官中書

臣

葉葵

謄錄監生

臣

李鳳丹

欽定四庫全書

詞律卷十九

宜興萬樹撰

角招 一百六字

趙以夫

曉寒薄調苔枝上剪豆成萬點冰萼叶暗香無處著叶立馬斷魂句

晴雪離落溪畧叶約恨寄驛音書豆遼邈叶夢繞楊州東閣風

流舊日何郎句想依然林壑叶離豆索引杯自酌叶相看冷淡句

一笑人如削叶水雲寒漠漠底處羣仙飛來霜鶴芳姿綽

約叶正月滿瑤臺珠箔叶徙倚闌干寂寞盡分付許多愁城頭角叶

暗香至東閣與後水雲至寂寞相合則溪畧約句與  
芳姿綽約正同尚應有一字況畧約是小橋止加一  
溪字恐無此文情耳按趙作角招徵招二詞乃詠  
梅雪正如白石暗香疎影之意招字雖相同而徵招  
已有小令類附故不便並列圖譜全未玩味不知  
薄字是起韻却將首句作六字而以萼字為起韻是  
使此調失却一韻矣又不知邈字音莫本是叶韻正  
與後箔字同因不註叶是使此調失二韻矣又不知  
徙倚句六字寞字本是叶韻正與前閣字同因請作  
七字連下盡字為一句是使此調失三韻矣趙虛齋  
何不幸哉雖然虛齋往矣其  
不幸俱在後之信譜者矣

解連環

一百六字

又名望梅

蔣捷

妒花風惡吹青陰漲却亂紅池閣駐嬌景別有仙葩遍

瓊甃小臺翠油疎箔舊日天香記曾遶玉奴絃索自長

安路遠膩紫肥黃但譜東洛天津霽虹似昨聽鶉聲

度月春又寥寞散艷魄飛入江南轉湖渺山茫夢境難

托萬疊花愁正困倚鉤闌斜角待攜尊醉歌醉舞勸花

自落

吹青陰至絃索與後聽鶉聲至斜角同 按片玉于  
散艷魄句止作六字方千里楊補之和詞亦同但此  
句正對前段駐嬌景句宜用七字此調作者頗衆皆  
用七字自當從其大同者故本譜不收一百五字非

失考漏列也且多此一字填詞較便學者但作七字無誤沈刻周詞加慢字是也小譜又境等字周方姜張翥等俱用仄聲竹屋逃禪多用平聲似應用仄為有調後結兩醉字勸字自字俱用去聲是定格即高楊亦守之矣譜乃無一字不註可平可仄安在其為解連環也按前結一五兩四各家皆同補之本和

美成者美成云想移根換葉還是舊時手植紅藥補之則云自無心彊陪醉笑負他滿庭花藥應于笑字分句或一氣貫下可以不拘然陪字平聲終覺不順學者自有周方及他家典型在也又按舊草堂載柳詞望梅一調查與解連環全同當時亦誤兩收猶慶春澤之與高陽臺也今錄于左覽者對勘當知之

望梅一百六字

柳永

小寒時節正同雲幕慘勁風朝冽信早梅偏占陽和向日處凌晨數枝先發時有香來望明艷遙知非雪展瓏金嫩蕊弄粉素英綺旒清徹仙姿更誰並列



有幽光照水疎影籠月且大家留倚闌干鬪綠醕飛  
看錦箋吟闋桃李春花料比此芬芳俱別見和羹大  
用莫把翠條慢折

句字平仄音響俱同豈非與解連環一調後結雖于  
大用斷句然一氣不拘正如補之前尾用負他句六  
字也想此調或可兩名或者卿用前調作梅花詞題  
曰望梅因誤襲為調名故本譜不復另收望梅調  
按向來嘯餘圖譜等書于鬪綠醕九字俱將看字讀  
作去聲故以鬪綠醕三字為豆而下作六字句且因  
看字差認并上飛字亦註可仄謂飛看六字可作仄  
仄平平仄仄訛錯相沿莫知訂正余謂看字平聲此  
九字上五下四蓋在梅花之下必宜詩酒故用綠醕  
錦箋飛字屬酒吟字屬詩看與閱則屬花言飛觴以  
看花吟句以閱花也若作六字句則看閱二字複矣  
此兩句自相為對而以鬪字領起正應上大家二字  
也且此調後段比前只換頭尾中皆相合前凌晨二

字平則此飛看二字亦必平矣同人猶未深信余因檢放翁集望梅詞出示之則此九字云奈回盡鵬程鍛殘鸞翮正用儷語鵬程二字豈可連下句于是此調始明而知向來徇諧之謬

飛雪滿羣山

一百六字

羣或作堆

張槩

愛日烘晴梅梢春動曉牕客夢方還江天萬里高低烟

樹四望猶擁螺鬟是誰邀滕六釀薄暮同雲沍寒却元

來是鈴閣露薰俄忽老青山都盡道年來須更好無

緣農事雨澀風慄鶯池夜半銜梅飛渡看樽俎折衝間

儘青油談笑瓊花露盃深量寬功名做了雲臺寫作圖

畫省<sup>叶</sup>

江天至近寒與後鷺池至量寬同看樽俎句三字一  
豆與前四望句稍異然觀後蔡詞自宜從前段為是  
圖畫汲古誤刻畫圖題名本集作飛雪滿堆山然  
查友古詞堆作羣調本相同而羣字較堆字為妥

又一體

一百七字  
又名扁舟尋舊約

蔡伸

冰結金壺寒生羅幙夜闌雪月侵門<sup>可仄</sup>翠筠敲竹疎梅弄<sup>可仄</sup>

影數聲雁過南雲酒醒歌檠枕愴猶有殘粧<sup>可仄</sup>泪痕繡衾

孤擁餘香未減猶是那時薰<sup>可仄</sup>長記得扁舟尋舊約聽<sup>可仄</sup>

小牕風雨燈火昏昏錦裯纔展瓊籤報曙寶釵又是輕

分黯然攜手處倚朱箔愁凝黛顰夢回雲散山遙水遠

空斷魂

餘香句與前詞鈴閣句平仄異然前詞薰字或作黛字則仍是仄聲或闕字作平用也蔡別作此句用塵生繡衾是依此詞為妥聽小窗句比前詞多一字此篇全整可從前詞是誰邀儘青油二句以是字儘字領句故膝談二字用平此如五言詩句繫手二字用仄此可不拘又按蔡別作是倚字起韻後用時衣等叶而于殘粧泪痕作渾如夢裏是知裏字乃以上聲叶平者又一平仄通用之調也殘粧句愁凝句俱用平平仄平末三字必用平仄平不可誤此則圖譜俱不誤改可受

望海潮

一百七字

秦觀

梅英疎淡冰漸溶句洩東風暗換年華韻金谷俊遊銅駝巷

陌新晴細履平沙長記誤隨車句正絮翻蝶舞芳思交加句

柳下桃蹊亂分春色到人家句西園夜飲鳴笳有華燈

礙月飛蓋妨花蘭苑未空行人漸老重來事事堪嗟烟句

暝酒旗斜但倚樓極目時見棲鴉句無奈歸心暗隨流水

到天涯句

金谷以下與後蘭苑以下同俊字未字用去聲是定  
格歌至此要振得起用不得平聲觀自來宋金元名  
詞無不用去惟有石孝友一首用搖生二字乃是敗  
筆其別作一首即用命薦二字矣奈何譜圖註可平

耶其餘平仄除旁註外亦不可亂用逃禪集首句菊  
暗荷枯用仄仄平平恐是荷枯菊暗之誤無此體也

又一體

一百七字

秦觀

秦峰蒼翠

句

耶溪瀟灑

句

千巖萬壑

句

爭流鴛瓦雉城

句

譙門畫

韻

戟蓬萊燕閣

句

三休天際識歸舟

句

汎五湖烟月

句

西子同遊

句

茂草荒臺

句

薜蘿村冷起閒愁

句

何人覽古凝眸

句

悵朱顏

句

易失翠被難留

句

梅市舊書蘭亭古墨依稀

句

風韻生秋狂

句

客鑑湖頭有百年臺沼

句

終日葬猶最好金龜換酒相與

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

醉滄洲

句

後段結語二句前詞上四下七前後相同此篇用上  
六下五與前段各異按柳詞東南形勝一首于汎  
五湖句作怒濤卷霜雪有百年句作乘醉聽簫鼓句  
法不同可以通用然聽字應讀平聲而怒濤句濤平  
卷仄終覺不順恐原是卷怒濤霜雪而傳說也作者  
俱照秦則無失矣柳後結本云異日圖將好景歸去  
鳳池誇與秦詞如一嘯餘落却歸去二字大謬蓋此  
詞因孫何知杭州柳不得見作此囑妓楚楚因宴會  
歌之孫即迎柳預座故云異日須畫西湖之景歸去  
汴京之鳳池而誇之也若則歸去二字則鳳池在何  
處乎乃圖譜沿襲收作一百五字調試問自宋以來  
有一百五字之望海潮否此調作者如林隨意可取  
一篇為式而偏取此脫誤者作譜以誤後人何歟  
此調二十二句其第一字除汎茂帳有四字必仄翠  
最二字不拘其餘俱要  
平字起勿為譜所誤

望湘人 一百七字

賀鑄

厭鶯聲到枕句花氣動簾醉魂愁夢相半韻被惜餘熏帶驚

刺眼叶幾許傷春春晚叶泪竹痕鮮佩蘭香老叶湘天濃暖叶記

小江豆風月佳時句屢約非烟游伴叶須信鸞絃易斷奈雲

和再鼓曲終人遠叶認羅襪無踪舊處弄波清淺叶青翰棹

艤白蘋洲畔叶儘目臨高飛觀不解寄一字相思句幸有歸

來雙燕叶

青翰下譜作八字句誤其他用平仄處皆古人配定成腔故抑揚協律譜註厭字可平從頭差起凡所為



抑揚者皆要改

作落腔悲夫

夜飛鵲

一百七字

或加慢字

周邦彥

河橋送人處

句

良夜何其斜

韻

月遠墮餘輝

叶

銅盤燭淚已流

句

盡霏霏涼露沾衣

叶

相將散離會處

句

探風前津鼓樹杪參

句

作集

旗花驄會意

句

縱揚鞭亦自行

韻

遲

叶

迢遞路迴清野人語

句

可平

漸無聞

句

空帶愁歸何意重經前地

句

遺鈿不見斜徑都迷

句

叶

兔葵燕麥

句

向斜陽影與人齊

叶

但徘徊班草款款酌酒

句

極

句

可平

望天西

叶

相將句夢寘作西風驟驚散蒲江作牽衣搵彈泪俱  
五字恐此篇處字係誤多者然自來相傳如此故不  
敢收一百六字體而作者用五字亦可送人處宜仄  
平仄夢窗作印逢漢蒲江作破清曉譜註可平仄仄  
而河字并註可仄誤免葵句夢窗作輕冰潤玉汲古  
刻落玉字斜句句似應于遠字分豆夢窗清雪冷沁  
花薰蒲江花下憇月明知亦然已字譜註可作平誤  
夢窗云天街曾醉美人畔蒲江云餘光是處散離思  
可見相將散註可用仄仄平亦誤

無愁可解 一百七字

蘇軾

光景百年看便一世句生來不識愁味十問愁何處來更開  
解箇甚底萬事從來風過耳何用不著心裏十你喚做展五

却眉便是達者也則恐未

此理本不通言何曾道歡

遊勝如名利道則渾是錯不道如何即是這裏元無我

與你甚喚做物情之外若須待醉了方開解時問無酒

怎生醉

此坡公自度曲無他作可對圖譜誤于眉字下添一頭字問愁三句與後道則三句彷彿相同或曰問愁下前後相同蓋何用句誤落一字便字下多是字則字下多恐字則字作平是與後同也若須句多須了二字方開句多開字是與前同也此因用俗語後人誤加餘字耳此說亦通

折紅梅 一百七字

杜安世

喜輕漸初綻句微和漸入郊原時節春消息句夜來陡覺紅

梅數枝爭發句玉溪珍館不似箇尋常標格句化工別與一

種風情似勻點胭脂染成香雪句重吟細閱句比繁杏天

桃品流終別句可惜彩雲易散句冷落謝池風月憑誰向說句

三弄處龍吟休咽句大家留取時倚闌干聞有花堪折句勸

君須折句

玉溪下與後憑誰下同但館字不叶說字則叶有花  
句平仄亦異此調惟壽域有此詞其平仄不可如圖  
譜亂填息字不是韻非叶也  
按此詞全採屯田望梅字句

一萼紅 一百八字

周密

步深幽正雲黃天淡雪意未全休鑑曲寒沙茂林烟草

晚仰今古悠悠歲華晚飄零漸遠誰念我同載五湖舟

登古松斜厓陰苔老一片清愁回首天涯歸夢幾魂

飛西浦汨灑東州故國山川故園心眼還似王粲登樓

最負他秦鬟妝鏡好江山何事此時遊為喚狂吟老監

共賦銷憂

鑑曲至湖舟與後故國至時遊同圖譜收尹澗民一首于何事此時遊作更忍凝眸落去一字此句正與

同載五湖舟相對豈可聽其缺落而收作一百七字  
調乎詞綜載李彭老亦誤落一字又尹詞起句玉搔  
頭二字正是起韻圖註起句八字直至第十三字方  
起韻誤人不少按白石于為喚句作待得歸鞭到  
時時字平聲不拘詞綜載劉天迪云  
夢破梅花角聲聲字平聲正用此體

薄倖

一百八字

呂渭老

青樓春晚

韻

畫寂

五

寂梳勻

十

又懶乍

五

聽得鴉啼

營弄

句

惹起新

五

愁無限

十

記年時

五

偷擲春心

句

花間隔霧遙

十

相見便角枕題

五

詩寶釵

句

酒共醉

五

青苔深院

十

怎忘得迴廊下

句

携手處

五

花明月滿

句

如今但暮雨

五

蜂愁蝶恨

句

小牕閒對芭蕉展

十

却

五

誰拘管儘無言

豆閒品纂句

筆泪滿參差雁腰肢漸小

句心與

楊花共遠

平仄照各家考定勿亂為佳如今但暮雨句方回用  
幾回憑雙燕克齋用閒愁消萬縷樵隱用奈當時消  
息南澗用任雞鳴起舞舞句法平仄各異不拘儘無言  
下十二字一氣如此詞及克齋倚屏山挑盡琴心誰  
識相思怨則當于第三字豆第七字句若方回云正  
春濃酒困人間晝永無聊賴樵隱云怕嬌雲細雨東  
方驀地輕吹散南澗云起醺醺香煖持盃且醉瑤臺  
路則當于五字分句平仄不殊總不拘也按方回  
詞後起云自過了燒燈後一本落後字詞綜亦依之  
查各家俱六字賀前結云向睡鴨爐邊翔鴛屏裏羞  
把香羅偷解而一本誤作待翡翠屏開芙蓉帳掩羞  
把香羅暗解比睡鴨三句雅俗相去遠甚沈氏云皆

通非知音者也乍聽得二句賀云便認得琴心先許  
與綰合歡雙帶上七下六譜註上五下八誤觀各家  
可知圖譜改上七下六是矣而先許二字仍舊註可  
作仄平通篇平仄亦皆依舊然則何以另譜為哉却  
誰拘管賀云約何時再正是叶韻各家皆同而譜連  
下五字作九字句大謬蓋意于時字分豆而下作再  
正春濃酒困也故于再字作可平再既作平不得不  
于何字作可仄奇絕奇絕吾不知再正二字相連如  
何解法耳漸小用去上妙觀賀用睡起克齋用瘦損  
樵隱用病也南澗用記取無不相符共遠二字亦然

奪錦標

一百八字

張堃

涼月橫舟銀潢浸練萬里秋容如拭冉冉鸞驂馭橋

倚高寒鵲飛空碧問歡情幾許早收拾新愁重織恨人



間會少離多句萬古千秋今夕叶誰念文園病客夜色沉

沉獨抱一天岑寂忍記穿針亭榭金鴨香寒玉徽塵積叶

凭新涼半枕又依稀行雲消息聽牕前汨雨浪浪夢裏叶

簷聲猶滴叶

萬里下與後  
段獨抱下同

一寸金一百八字

周邦彥

州夾蒼崖下枕江山是城郭望海霞接日紅翻水面晴句

風吹草青搖山脚波煖鳬鷺作沙痕退夜潮正落疎林叶

外五一點炊烟渡口參差正寥廓十自嘆勞生句經年何事句

京華信漂泊十念渚蒲汀柳空歸閣句夢風輪雨櫂終辜前句

約十情景牽心眼流連處利名易薄迴頭謝冶葉倡條便句

入漁釣樂十

作早

望海霞至炊烟與後念渚蒲至倡條同波煖句對後  
情景句而作字叶眼字不叶初恐其誤考夢窗二首  
一則前叶後不叶一則前後俱叶想不拘自首至尾  
所用下是望面退夜正外渡正事信念夢處利易謝  
便釣等去聲字妙絕此皆跌宕處要緊必如此然後  
起調周郎之樹幟詞壇有以哉夢窗之心如鏤塵別  
髮者故亦用看瘦正地透尚暗記繡挂事愛嘆思重  
袖下醉露等字又一首亦同嗚呼詞豈可草草如圖

註載若如註以正寥作平仄真笑話矣結句入字吳  
用情字可知入字以入作平也譜不圖入字作平翻  
圖釣字作平相去幾許吳詞第六句玉龍橫  
笛與通篇不叶此乃竹字訛笛字非不叶韻也

擊梧桐

一百八字

柳永

香厭深深姿媚雅格奇容天與自識來來便好看

伊會得妖嬈心素臨歧再約同歡定是都把平生相許

又恐恩情易破難成未免千般思慮近日書來寒暄

而已苦沒怱怱言語便認得聽人教當擬把前言輕負

見說蘭臺宋玉多才多藝善詞賦試與問朝朝暮暮行

雲何處去

前後起三句同其下多不可定或曰自識來句七字  
原與後便認得七字同其第二來字必係誤多者後  
段教當二字是當時人口氣本是聽人教帶一當字  
猶金元人曲用問當耳或曰自識來三字對後便認  
得來便好三字對後聽人教看伊下兩四字句後段  
當字下又落一時字也亦是八字同前總之此詞字  
有訛錯舊刻  
不足為據也

又一體 一百十字

李珣

楓葉濃於染<sup>韻</sup>秋正老江上征衫寒淺<sup>叶</sup>又是秦鴻過霽烟<sup>句</sup>  
外寫出離愁幾點<sup>叶</sup>年來歲去朝生暮落人似吳潮展轉<sup>叶</sup>

怕聽陽關曲句奈短笛喚起天涯情遠十雙屐行春扁舟

嘯晚憶着鷗湖鶯苑十小梅花屋雪月夜記把山扉牢

掩惆悵明朝何處故人相望但碧雲半斂十定蘇堤重來

時候芳草如剪十

與前調迥異江上至幾點與後憶着至牢掩同而年來二句與惆悵二句平仄相反相望句比人似句多一字或云前則年來四字誤倒後則何處故人誤倒但字誤多前後本是相合然此調止有此詞無可考証或又謂惆悵句六字故人句四字但碧雲句五字原與前段不侔此說頗妥可從

大聖樂

一百八字

周密

嬌綠迷雲倦紅顰曉嫩晴芳樹漸午陰簾影移香燕語

夢回千點碧桃吹雨冷落錦衾人歸後記前度蘭橈停

翠浦凭欄久謾凝竚鳳翹慵聽金縷留春問誰最苦

奈花自無言鶯自語對画樓殘照東風吹遠天涯何許

怕折露條愁輕別更烟暝長亭啼杜宇垂楊晚但羅袖

晴沾飛絮

此調古詞惟此無可覈証但取康蔣用平韻者相對亦可彷彿得之蓋韻雖殊而字則合也但後段怕折二句康蔣竟與前投全別與此篇異愚謂此篇前後本是相對只因向來相傳于冷落句誤缺一字耳今

據詞源作冷落錦人歸後人豈可稱錦其誤不必言  
詞綜作冷落錦衾歸後衾豈可言歸是亦有誤愚因  
合而斷之乃是冷落錦衾人歸後七字恰與怕折露  
條愁輕別七字相對而平仄亦符合矣至更烟暝句  
之與記前度句則原無異也故敢竟加  
人字于衾字之下而列為一百八字云

又一體 一百十字

蔣捷

笙月涼邊翠翹雙舞壽仙曲破更聽得艷拍流星慢唱

壽詞初子羣唱蓮歌主翁樓中披鶴氅展一笑微微紅

透渦襟懷好縱矣官駐繖長是春和千年鼻祖事業

記曾起雷聲飛快梭但也曾三徑撫松採菊隨分吟哦

富貴雲浮榮華風過

句

淡處還他滋味

叶

多休辭飲

句

有碧荷

作平

貯酒深似金荷

可平

破字以去聲起韻歌字換平以下俱叶平韻又是一平仄通用之調也向讀草堂舊載伯可詞第三句云曉來初過而下即用多波等叶圖譜皆以過為平音是書素善亂註可平可仄者而此字則以為平蓋不意此調之仄可以平仄通用也得竹山此篇甚釋前疑若過字可作平破字豈亦可作平乎通音俱與康無異信乎另有此體矣主翁句康云淺斟瓊卮浮綠蟻斟字平正與此篇翁字合譜以為拗而改曰可仄怪甚紅字飛字滋字用平正是調中肯綮康亦用生字邀字時字譜俱改可仄何也更可笑者襟懷好三句康作輕紈舉動團圓素月仙桂娉娉正與後結三句一樣譜註截動字連上輕紈舉動成何語真不顧



人笑殺將此篇亦可讀襟懷好縱耶康後結云休眉  
鎖問朱顏去了還更來麼亦可讀休眉鎖問耶吾不  
知自有此譜以來詞家之依譜而作大聖樂者誤了  
幾位矣悲哉更有謂此調即沁園春者僉父也

杜韋娘 一百九字

杜安世

暮春天氣鶯老燕子忙如織間嫩葉題詩哨梅小乍遍

水新萍圓碧初牡丹謝了秋千搭起垂楊暗鎖深深陌

暖風輕盡日間把榆錢亂擲恨寂寂芳容衰減頓教

玳枕困無力為少年狂蕩恩情薄尚未有歸來消息想

當初鳳侶鴛鴦儔喚作平生更不輕離拆倚朱扉泪眼滴

損紅綃數尺

惟安世有此詞他無可証 愚謂老字當是兒字蓋此句七字對後頓歇句七字也頓字恐是頻字間嫩葉句八字對後為少年句八字但間嫩葉句字有說錯當以後段為正哨字無理恐是間題詩嫩葉青梅小耳乍通水七字對後尚未有七字初牡丹下十六字對後想當初下十六字但前段應作五字一句四字一句七字一句後則上句該在鴛鴦佳喚作二字連上連下俱不妥必有誤字雖十六字平仄與前無異語氣貫下分豆或可不拘然喚作二字于理不順作者但照前段初牡丹以下填之可耳暖風輕以下與後倚朱扉以下同

過秦樓 一百九字

李甲

賣酒壚邊尋芳原上亂紅飛絮悠悠已蜨稀鶯散便擬

把長繩繫日無由謾道草忘憂也徒將酒解悶愁正江

南春盡行人千里蘋滿汀洲有翠紅徑裏盈盈侶簇

芳茵襖飲時笑時謳當暖風遲景任相將永日爛熳狂

遊誰信盛狂中有離情忽到心頭向尊前擬問雙燕來

時曾過秦樓

按此調因又名惜餘春慢又名蘇武慢又名選冠子  
故紛紜最甚難以訂正今將此篇列于前幅因用平  
韻與後詞各異而詞尾有過秦樓三字恐此調  
之名因此而起故以首列也餘說詳見後篇

又一體 一百十一字

周邦彥

水浴清蟾<sup>句</sup>葉喧涼吹<sup>句</sup>巷陌雨聲初斷<sup>細</sup>閒依露井笑撲流

螢<sup>句</sup>惹破畫羅輕扇<sup>十</sup>人靜夜久凭闌愁不歸眠<sup>句</sup>立殘更箭<sup>十</sup>

嘆年華一瞬<sup>句</sup>人今千里夢沉書遠<sup>十</sup>空見說<sup>五</sup>髻怯瓊梳<sup>句</sup>

容銷金鏡漸嬾起時<sup>句</sup>勻染梅風地溽虹雨苔滋<sup>句</sup>一架舞

紅都變<sup>十</sup>誰信無聊為伊才減江淹情傷荀倩<sup>十</sup>但明河影

下還看疎星幾點<sup>十</sup>

後起比前段多三字後結比前段少二字 按此詞  
舊草堂收之題曰過秦樓而以魯逸仲一百十三字

者另載題曰惜餘春慢但魯詞比此只後結多二字其餘無字不同豈如此長調但因二字而另為一調乎故沈天羽辯之兩詞俱刻作惜餘春慢此言是已然論之猶未詳也今考方千里和周詞末句一本作濃似飛紅萬點則與此篇相同一本作濃于空裏亂紅千點則為一百十三字與魯詞同矣是知千里雖和周詞亦即可名曰惜餘春而過秦樓與惜餘春為一調無疑矣且此詞又名蘇武慢于人靜下十四字句法與此不同而各處俱註即過秦樓未必確然若謂即過秦樓則友古之蘇武慢一百十一字與周詞同故翁壩窟之蘇武慢一百十三字與魯詞同至如虞卽菴之蘇武慢一首一百十一字一首一百十三字是蘇武慢可多二字可少二字正與過秦樓惜餘春相合更無疑矣又蘇武慢亦名選冠子而楊補之張景修之選冠子皆一百十三字與惜餘春字數正同乃比後所載呂渭老之選冠子竟多至六字是可

知此調字本多寡不同不可以一百十一字者必屬之過秦樓一百十三字者必屬之惜餘春也或曰草堂舊本分兩調必有所據予何得後起而紛更之余曰天下事之訛錯者雖古人定論亦須駁正不然何貴于讀書尚論乎如君言則春霽秋霽二調一字無異草堂列作二體而並存之今亦將因其古本而阿諛遵奉之耶又如慶春澤之即高陽臺解連環之即望梅其不能辨者亦多矣錫鬯謂草堂選詞可謂無目者也選詞尚無目論調又豈能有目哉嘯餘譜照草堂分收兩調圖譜改之不收蘇武慢而以一百十一字者為惜餘春以一百十三字者為惜餘春慢更為奇創未知何據矣今總斷之曰李甲詞當名過秦樓以其止有一百九字而平聲迥異且有此三字在未也周魯等詞當名曰惜餘春慢呂詞止一百七字當名曰蘇武慢蔡同于周陸同于魯則各附之至選冠子之名則竟以別號置之庶幾歸于畫一耳然合

而言之大約原總  
一調故類集于此

惜餘春慢

一百十三字

或無慢字

魯逸仲

弄月餘花團風輕

句

絮露溼池塘春草

韻

鶯鶯戀友

句

燕燕將

雛

惆悵睡殘清曉

叶

還是初相見時

句

攜手旗亭

句

酒香梅小

向登臨長是傷春

句

滋味

句

淚彈多少

叶

因甚却輕許

正

風流

終非長久

句

又說分飛煩惱

叶

羅衣瘦損

句

繡被香

句

淚那更亂

紅如掃

叶

門外無窮路

句

歧天若有情

句

和天須老

叶

念高唐歸

夢淒涼

句

何處水流

句

雲遶

叶

尾句與千里之濃于空裏亂紅千點同又按念高唐  
以下譜作上七下六兩句雖亦可讀但應照前結一  
五兩四  
為是

蘇武慢 一百七字

呂渭老

雨溼花房風斜燕子池閣畫長春晚檀盤戰象寶局鋪

綦籌畫未分還嬾誰念少年齒怯梅酸病疎霞盞正青

錢遮路綠絲明水倦尋歌扇空記得小閣題名紅牋

青製燈火夜深裁剪明眸似水妙語如絃不覺曉霜鷄

喚聞道近來箏譜慵看金鋪長掩瘦一枝梅影回首江



南路遠<sup>叶</sup>

誰念少年聞道近來平仄平不可誤觀其別作與此篇無一字不合森然可法也齒怯至霞盍八字比他家少二字等諧下亦然後結與周詞同

又一體 一百一十一字

蔡伸

雁落平沙<sup>句</sup>烟籠寒水<sup>句</sup>古壘鳴笳聲斷<sup>韻</sup>青山隱隱敗葉蕭

蕭天際暝鴉零亂<sup>叶</sup>樓上黃昏<sup>句</sup>片帆千里歸程<sup>句</sup>年華將晚<sup>叶</sup>

望碧雲空慕佳人何處<sup>句</sup>夢魂俱遠<sup>叶</sup>憶舊遊<sup>豆</sup>遽館朱扉<sup>句</sup>

小園香徑<sup>句</sup>尚想桃花人面<sup>叶</sup>書盈錦軸恨滿金徽<sup>句</sup>難寫寸

心幽怨叶兩地離愁句一樽芳酒淒涼危欄倚遍叶儘遲留豆憑

仗西風吹乾泪眼叶

此蘇武慢之一百十字與過秦樓字數相同者樓上至將晚十四字與周詞異後段兩地下十四字亦然尾句周用上五下六此用上七下四而風字用平亦稍異卻庵亦同此體

又一體 一百十三字

陸游

澹靄空濛輕陰清潤綺陌細塵初靜韻平橋繫馬畫閣移

舟句湖水倒空如鏡掠岸飛花句傍簷新燕句都是學人無定叶

嘆連年戎帳經春邊壘暗凋顏鬢叶空記憶豆杜曲池臺句

新豐歌管<sup>句</sup>怎得故人音信<sup>叶</sup>羈懷易感<sup>句</sup>老伴無多<sup>句</sup>談塵久

閒屏<sup>叶</sup>柄惟有<sup>句</sup>翛然<sup>句</sup>筆牀茶竈<sup>句</sup>自適<sup>句</sup>筍輿烟艇<sup>叶</sup>待綠荷遮

岸<sup>句</sup>紅蕖浮水更乘幽興<sup>叶</sup>

此蘇武慢之一百十三字與惜餘春字相同者掠岸  
下與惟有下各十四字蔡用四六四此又用四四六  
想不拘亦足見此調之變體甚多耳尾  
與前段同與惜餘春兩結正相合也

八寶粧

一百十字

李 甲

門掩黃昏<sup>句</sup>畫堂人寂<sup>句</sup>暮雨乍收<sup>句</sup>殘暑簾捲<sup>韻</sup>疎星庭戶<sup>句</sup>悄

隱隱嚴城鐘鼓<sup>叶</sup>空堦烟暝半開<sup>句</sup>斜月朦朧<sup>句</sup>銀河澄淡風

淒楚還<sup>叶</sup>是鳳樓人<sup>句</sup>遠桃源無路<sup>叶</sup>惆悵夜久星繁碧雲<sup>句</sup>

望斷玉簫聲在何處<sup>叶</sup>念誰伴<sup>豆</sup>茜裙翠袖共攜手<sup>豆</sup>瑤臺歸

去對修竹森森院宇<sup>叶</sup>曲屏香煖凝沉炷<sup>叶</sup>問對酒當歌情

懷記得劉郎否<sup>叶</sup>

陳君衡有八寶粧一首九十九字者與新雁過粧樓  
全同已入新雁本調下註明矣此則真八寶粧也

疎影 一百十字 又名綠意

姜夔

苔枝綴玉有翠禽<sup>韻</sup>小小枝上同宿客裏相逢<sup>句</sup>籬角黃昏<sup>句</sup>

無言自倚修竹<sup>叶</sup>昭君不慣吳沙遠<sup>句</sup>但暗憶江南江北想<sup>叶</sup>

可以可反可平

可反

佩環豆

可平

月夜歸來句

化作此花幽獨叶

猶記深宮舊事句

那人

句

正睡裏飛近蛾綠叶

莫似春風句

可平

不管盈盈早與安排句

金屋句

還教一片隨波去又却怨玉龍哀曲等恁時重覓幽香句

可平

已入小牕橫幅叶

余前于暗香錄夢窗所作此調夢窗亦有因有殘缺故仍載白石原篇枝上同宿以下與後飛近蛾綠以下俱同但無言自倚四字與早與安排四字異觀夢窗此句後用香滿玉樓瓊闕而前亦用凌曉東風吹裂則知無言自倚四字亦不妨與早與安排相同故敢于字旁註之此雖白石自製腔然夢窗與白石交最深自當知其律呂也又查玉田于翠禽小小作滿地碎陰平仄亦異玉田詞亦金科玉律者則此句亦

必可用仄仄仄平故亦于旁註之其餘平仄皆于本詞前後相同處為註耳他如夢窗于翠字作橫上字作花但字作全正字作漪玉田于客字作枝化字作應平聲已字作空而客字莫字不慣不字一字俱或作平不拘但未敢註北字自孫光憲已與促字同叶宋人用于屋沃韻內者尤多非白石之誤也此調本姜詞為祖圖譜收鄧剡詞其平仄與姜相合乃以前結想佩環二句分作三句一五字兩四字而後則仍作上七下六可謂亂點兵矣至嘯餘不收暗香而收疎影又將疎字誤認棘字所載即鄧剡詞豈不更昏謬乎按白石為石湖製暗香疎影二曲自後作者寥寥不知何人改作紅情綠意今人見紅情綠意之名新巧可喜遂從而填之竟莫能察其即是暗香疎影矣毛氏解題謂紅情起于柳耆卿蓋未細考朱錫鬯紅豆詞固絕妙而只就紅情填之亦不及辨其為暗香也綠意見于樂府雅詞無名氏詠荷者人亦

莫知其是疎影可見詞調紛紛錯亂不可勝考余雖  
深思詳勘大費心力而其間訛錯正恐多端惟冀大  
雅君子憫其勞而諒其公遇有乖謬處為條舉而教  
正之幸甚幸甚不然人將謂此狂夫于各家舊譜妄  
肆譏彈而已所編述動成罅漏則其罪有不可勝數  
者矣今恐人不見信姑錄綠意一闋于右以便稽覽  
綠意一百十字

無名氏

碧圓自潔向淺洲遠浦亭亭清絕猶有遺簪不展秋  
心能表幾多炎熱鴛鴦密語同傾蓋且莫與浣紗人  
說口怨歌忽斷花風碎却翠雲千疊回首當年漢  
舞怕飛去謾編留仙裙褶戀戀青衫猶染枯香還笑  
髻絲飄雪盤心清露如鉛水又一夜西風聽折喜淨  
看匹練秋光倒瀉半湖明月

疎影本一百十字此于怨歌上落去一字耳以此兩  
詞相對豈非同調乎而紅情之即暗香更不必言矣  
按此詞是詠荷葉原本作荷花誤又按彭元遜

有解珮環一詞亦即此調或因姜詞有想珮環三字因變此名今錄附後枝對自明

解珮環一百十字

彭元遜

江空不渡恨蘼蕪杜若零落無數遠道荒寒婉婉流  
年望望美人遲暮風烟雨雪陰晴晚更何須春風千  
樹盡孤城落落蕭蕭月夜江聲流去日晏山深聞  
笛恐他年流落與子同賦事濶心違交淡媒勞蔓草  
沾衣多露汀洲窈窕餘醴寐口遺珮浮沉澧浦有白  
鷗淡月微波寄語逍遙客與

此詞各刻亦于遺珮上落一字其實即疎影也蓋前  
詞怨歌句與後段喜淨看同此詞遺珮句與前段更  
何須同俱不可作六字也至圖譜以有白鷗淡月為  
一句微波寄語為一句遂與  
前段各異而大理亦不通矣

八犯玉交枝

一百十字

仇遠



滄島雲連綠瀛秋入暮景却沉洲渚無浪無風天地白

聽得潮生人語擎空孤柱翠倚高閣憑虛中流蒼碧迷

烟霧惟見廣寒門外青無重數不知是水是山不知

是樹漫漫知是何處倩誰問凌波輕步謾凝睇乘鸞秦

女想庭曲霓裳正舞莫須長笛吹愁去怕喚起魚龍三

更噴作前山雨

八犯想採八曲而集成此詞但不知所犯是何調耳  
聊據其韻脚臆註云極眼前調作者尚須細心勘  
校恐有疎忽不合于古之處况孤調無可証據乎譜  
于此等詞從來只一篇者必不肯仍其舊務要彊出

已意謂可平可仄除是知音識律高出于古作詞之人之上而後可如此嗚呼其果高出于古人否耶

高山流水

一百十字

吳文英

素絃一一起秋風寫柔情多在春蔥徽外斷腸聲霜霄

暗落驚鴻低顰處剪綠裁紅仙郎伴新製還賡舊曲映

月簾櫳似名花並蒂日日醉春濃吳中空傳有西子

應不解換徵移宮蘭蕙滿襟懷唾碧總噴花茸後堂深

想費春工客愁重時聽蕉寒雨碎泪溼瓊鍾恁風流也

稱金屋貯嬌慵

圖譜註此詞謂蘭蕙滿三字句襟懷唾碧四字句總噴花茸四字句客愁重三字句韻悠風流三字句也稱金屋貯嬌慵七字句愚謂非也蘭蕙以下與前段俱同蘭蕙滿襟懷五字對前薇外斷腸聲句總字必係牕字之訛而又誤倒刻乃是碧牕唾噴花茸六字對前霜霄暗落驚鴻也否則碧字作平必無襟懷唾碧之理後堂深句七字對前低顰處句客愁重重字去聲非平聲叶韻者此三字對前仙郎伴句時聽二句十字對前新製二句悠風流也稱五字稱字去聲對前似名花並蒂句若稱字作平文義欠通矣金屋貯嬌慵五字對前日日醉春風句豈非字字相合乎

慢卷紉

一百十字

柳永

閒牕燭暗孤幃夜永欹枕難成寐細屈指尋思舊事前

歡都來未盡平生深意到得如今萬般追悔空祇添憔悴對好景良宵皺着眉兒成甚滋味紅茵翠被當時一一堪垂泪怎生得依前似恁偎香倚煖抱着日高猶睡算得伊家也應隨分煩惱心兒裏又爭似從前澹澹相看免恁縈緊

細屈指下與後怎生得下同但似恁句該六字抱着句該六字而舊事至都來不成句都來二字平聲必有誤耳按題名卷絢無義理絢字恐是袖字之訛

五綵結同心

一百十一字

趙彥端

人間塵斷雨外風回涼波自泛仙槎韻非郭還非野閨鶯

燕時傍笑語清佳叶銅壺花漏長如線句金鋪碎香燠簷牙叶

誰知道豆東園五畝種成國艷天葩叶主人漢家龍種正句

翩翩迴立雪竚烏紗叶歌舞承平舊圍紅袖詩興自寫春

華叶未知三斗朝天去定何似鴻寶丹砂句且一醉朱顏相豆

慶共看玉井浮花叶

非郭下與後歌舞下同圖譜不解將歌舞句作四字  
而以舊字搭下作四字不知前段不可以非郭還非  
為一句也 歲在甲子僕在端州制幕適吳太守蘭  
次徐太史電發兩先生前後入粵因啖荔枝太史遂

有五緣結同心之作制府和之僕暨雪舫亦附賡吟  
其調與此字句雖同而用反韻署中苦無詞書莫可  
考究因請于太史訊其源流時太史亦忘之故至今  
耿耿于衷未得收此體入譜更思詞格之繁正多遺  
缺必待廣搜緩數方可成編緣瑛青以剗剗之便慙  
患立成漏萬貽譏自所不免但調之未輯者不妨續  
編而體之妄議者難以自詘統祈高明糾其謬謬示  
所遺亡共成全璧以便學者是合矢之功勝此快萬  
萬矣望之望之

霜葉飛 一百十一字

吳文英

斷烟離緒闌心事句斜陽紅隱霜樹半壺秋水薦黃花香句

嘆西風雨縱玉勒輕飛迅羽淒涼誰弔荒臺古記醉踏

南屏彩扇咽寒蟬倦夢不知蠻素句 聊對舊節傳杯塵句

牋蠹管斷閣經歲慵賦小蟾斜影轉東籬夜冷殘蛩語句

早白髮緣愁萬縷驚飈從捲烏紗去謾細將茱萸看句

約明年翠微高處句

斜陽至臺古與後斷閣至紗去同香嘆句夜冷句如  
五言詩而美咸作正倍添淒悄奈五更愁抱上一下  
四句法不同觀千里和詞前云臺榭還清悄後云况  
老來懷抱可知此句句法不拘也彩扇下或云一五  
一六周云又透入清輝半晌特地留照余謂若于輝  
字住與上句句法連疊相同矣自宜入字豆晌字句  
也方云自遍拂塵埃玉鏡羞照是落兩字無此體知  
字周方皆作去聲夢窗細摹清真者不知何以此字

各異耳斷闕二字似宜連上讀但周云度日如歲難到方云未落人後先到則應連下作六字況此句即與前斜陽句同也周用日字方用落字此用闕字皆以入作平原與前陽字一樣耳將字方作質字亦入作平不可誤用上去字各家平仄如一不可擅易迅羽萬縷去上聲妙周用憾曉閉了方用怨曉過了可見圖譜因周詞起句霧迷衰草疎星挂遂謂草字起韻註作四字句起而以下句為九字誤甚

八歸 一百一十一字

高觀國

楚峰翠冷吳波烟遠吹袂萬里西風闕河迴隔新愁外

遙憐倦客音塵未見征鴻雨帽風巾歸夢杳想吟思吹

入飛蓬料恨滿幽苑離宮正愁黯文通秋濃新霜初



試重陽催近醉紅偷染江楓瘦筇相伴舊遊回首吹帽

知與誰同想萸囊酒醺暫時冷落菊花叢兩凝佇壯懷

立盡微雲斜照中

或曰官字是偶合  
此句可不必叶

又一體 一百十五字

史達祖

秋江帶雨寒沙紫水人瞰画閣愁獨烟簑散響驚詩思

還被亂鷗飛去秀句難續冷眼盡歸圖画上認隔岸微

茫雲屋想半屬漁市樵村欲暮競燃竹須信風流未

老憑持

口

酒慰此淒涼心目

一鞭南陌

幾箇官渡賴有

歌眉舒綠

只

匆匆

眺遠

早覺閒愁

挂喬木

應難奈

故人

天際望徹淮山

相思無雁足

足

用仄韻比前調後結多望徹淮山句換頭亦不於二字叶查白石調與此全合平仄必有定格不可隨譜妄填憑持句該四字白石用而今何處是也此篇乃刻本誤落一字耳觀前吳詞雖韻脚用平而聲調則一其于此句正用重陽催近則該是四字無疑故添口于內圖譜不解于姜詞下反註而字姜想因史詞故如此註乃題下又註一百十五字則仍以而字為正何其自相矛盾也

透碧霄

一百十二字

柳永

月華邊韻萬年芳樹起祥烟叶帝居壯麗皇家熙盛寶運當句

千端門清晝觚稜照日雙闕中天太平時朝夜多歡徧叶

錦街香陌釣天歌吹閭苑神仙昔觀光得意狂遊風句

景再覩更精研傍柳陰尋花徑空恁彈轡垂鞭樂遊雅句

戲平康艷質應也依然仗何人多謝嬋娟道宦途蹤跡句

歌酒情懷不似當年叶

端門下與後樂遊下同只歌酒情懷與釣天歌吹平  
仄異耳圖譜收查莖一首于端門三句云相從爭奈  
心期久要屢變霜秋圖譜作六字兩句蓋讀要字作  
平聲也觀此觚稜三句端然俱是四字且正與後樂

遊三句相對是知不可作六字也傍柳陰下十二字  
查云愛渚梅幽香動須采掇倩纖柔圖作上句五字  
下句七字甚謬愛渚梅三字豆即此篇之傍柳陰也  
又以梅幽香三字疊平竟將梅字圖作可仄更可笑  
矣但須采掇句六字亦三字豆者與此空恁句句法  
似別然玩查句丈義亦有可疑若作采掇須倩纖柔  
則理順語協與此相符矣或云查用論語久要字  
自當作平聲此詞日字與後段質字乃入作平耳照  
艷二字不可用平然查之後段却用誰傳餘韻是不  
可以一處而拗三處也按王荊公老人行云古來  
人事已如此今日何須論久要要字叶上笑誚韻是  
久要原可讀去聲查詞之與此篇脈稜照日正合矣

玉山枕

一百十三字

柳永

驟雨新霽

韻

蕩原野清如洗

叶

斷霞散彩殘陽倒影

句

天外雲

可晨

峰數朶相倚露莎烟艾滿池塘見次第幾番紅翠當是

時河朔飛觴避炎蒸想風流堪繼晚來高樹清風起

動簾幙生秋氣画樓晝寂蘭堂夜靜舞艷歌姝漸任羅

綺訟閑時泰足風情便爭奈雅歡都廢省教成幾闋新

歌盡新聲好尊前重理

蕩原野以下與後動簾幙以下俱同此調無他作者  
平仄當悉遵之或謂艾字泰字亦是叶韻未知是否  
泰外等古亦連押然不必圖譜以起句四字為二句  
不知何據此詞用韻甚正柳七雖俗亦從不肯借韻  
宜有以魚語韻字入齊薺者况以借叶之字為第一  
箇韻脚乎雨字與霽叶乃吳越間俗音近來僉父多

此痼疾稍知沈韻者必不犯此而謂柳七為之耶況  
如此長調又非換頭宜有以兩字起句二字繼叶之  
理不比醉翁操原學琴操為之也蕩原野二句反合  
為六字至動簾幙則又仍分二句俱不可解當是  
時用平仄平後省教成用仄平平兩結相同故旁註  
可平可仄然愚謂當是時三字恐原係是當時三字  
也讀者可玩而知之又前後二結讀者俱如右註上  
七下八姑仍之然愚謂當以上三字為豆而中七字  
為句下五字為尾蓋河朔避矣是一件事下則想繼  
其風流是另一層意新歌新聲是一件事下則要重  
理其歌曲亦是另一層意如此則語意  
不累墜矣願以質之具正法眼藏者

丹鳳吟

一百一十四字

方千里

宛轉回腸離緒句嬾倚危欄句愁登高閣韻相思何處句人在繡

帷羅幙<sup>叶</sup>芳年豔齒<sup>句</sup>枉消虛<sup>句</sup>過會合絲輕<sup>句</sup>因緣蟬薄暗想

飛雲驟雨霧隔烟遮<sup>句</sup>相去還是天角<sup>叶</sup>悵望不時夢到<sup>句</sup>

素書謾說風浪惡<sup>叶</sup>縱有青青髮漸<sup>句</sup>吳霜粧點<sup>句</sup>容易凋鑠<sup>叶</sup>

歡期何晚<sup>句</sup>忽忽自驚搖落<sup>叶</sup>顧影無言清泪溼<sup>句</sup>但絲絲盈

握染斑客袖歸日須問着<sup>叶</sup>

讀詞非僅採其菁華須觀其格律之嚴整和協處然  
人見其嚴整便以為拗句不知其拗句正其和協處  
但多吟咏數遍自覺其妙而不見其拗矣字之平仄  
人知辨之不知仄處上去入亦須嚴訂如千里和清  
真平上去入無一字相異者此其所以為佳所以為  
難若徒論平仄則對客揮毫小有才者亦優為之矣

即此詞可見風浪惡時本作風波惡誤美成用心緒  
惡夢窗用城外色夢窗詞與此平仄亦同但容易凋  
鑠作燕曾相識不合未審  
傳訛乎抑夢翁偶誤也

輪臺子

一百十四字

柳永

一枕清宵好夢<sup>句</sup>可惜被鄰雞喚覺<sup>韻</sup>匆匆策馬登途滿目

淡烟衰草<sup>叶</sup>前驅風觸鳴珂<sup>句</sup>過霜林漸覺驚棲鳥<sup>叶</sup>冒征塵

遠况自古淒涼長安道<sup>叶</sup>行行又歷孤村<sup>句</sup>楚天濶望中

未曉念勞生<sup>豆</sup>惜芳年壯歲離多歡少<sup>叶</sup>歎斷梗難停暮雲

漸杳<sup>叶</sup>但黯黯銷魂<sup>句</sup>寸腸憑誰表<sup>叶</sup>恁驅驅<sup>豆</sup>何時是了<sup>叶</sup>又爭



似却返瑤京重買千金笑叶

只此一首平仄宜遵亦贊  
帖可從驅驅恐是驅馳

紫萸香慢 一百十四字

姚雲文

近重陽偏多風雨絕憐此日暄明問秋香濃未待携客豆

出西城正是羈懷多感怕荒臺高處更不勝情向樽前叶

又憶漣酒插花人只坐上已無老兵淒清淺醉還醒叶

愁不肯與詩平記長揪走馬雕弓拊柳前事休評紫萸叶

一枝傳賜夢誰到漢家陵儘烏紗便隨風去要天知道叶

華髮如此星星歌罷涕零

無他作可考平仄當悉依之通篇韻語皆平平佳句  
只前結用上平後結用去平是其音律如此也圖譜  
註改并涕零亦謂可作  
平平則不敢奉命矣

沁園春

一百一十四字

陸游

孤鶴歸飛

句

再過遼天

句

換盡舊人

韻

念累累

枯冢

句

茫茫夢境

句

王侯螻蟻

句

畢竟成塵

韻

酒園林

句

尋花巷陌

句

當日何曾輕

可平

負春流年

句

改嘆圍腰

帶刺點鬢

霜新

句

交親散落

如雲

句

又豈料如今

餘此身

幸眼明

身健

茶甘飯

軟

非惟我老

句

可平

可平

可平

可平

更有人貧叶躲盡危機句消殘壯志句短艇湖中間叶采蓴吾何

恨有漁翁共醉谿友為鄰叶

此一百十四字為沁園春正格念累累以下與後辛  
眼明以下同當日句短艇句七字又豈料句八字定  
格也各家有前後用八字而過變處反用七字者更  
有前八後七前七後八者非偶筆即誤刻蓋兩段相  
同不宜參差作者但宜從此篇為妥首起三句平仄  
多不拘惟此篇為正大約首句俱同第二句則或用  
仄平平仄或用平平平仄或用仄平平或用平平  
仄平或用平平仄或用仄平平或用仄仄平  
或用仄平仄或用平仄平或用平仄平或用平仄  
仄平或用仄仄平或用平仄平或用平仄平  
以上皆不拘累累枯冢與眼明身健間有用仄仄平  
平者亦不拘然數十中之一也親字可以不叶其叶

者亦一二而已若石屏一曲狂歌一首于又豈料句  
少一字夢窗澄碧西湖一首于流年改句多一字及  
芸窗前結云又何須聽那西樓絃管南陌簫笙則尤  
差誤無此體也輕餘閒三字平仄不拘然用平最為  
起調沈選蔣詞當日句云絕勝珠簾十里迷樓八  
箇字珠簾十里正用杜樊川詩與隋家迷樓何與竹  
山豈不通如此沈不知迷字誤多乃註第十句  
八字可嘆可嘆豈有此句八字之沁園春乎

又一體 一百十五字

秦觀

宿靄迷空膩雲籠日晝景漸長正蘭皋泥潤誰家燕喜  
蜜脾香少觸處蜂忙盡日無人簾幕挂更風遞遊絲時  
過牆微雨後有桃愁杏怨紅泪淋浪風流寸心易感

但依依<sup>句</sup>竚立<sup>句</sup>回盡柔腸<sup>叶</sup>念小奩瑤鑑<sup>句</sup>重<sup>句</sup>絳蠟玉籠金

斗時熨沉香柳下相將遊冶處<sup>句</sup>便回首青樓成異鄉相

憶事縱蠻牋萬疊難寫微茫<sup>叶</sup>

盡日句柳下句俱七字更風遮句便回首句俱八字  
後段起句用仄不叶韻但依依句五字回盡句四字  
俱與前調異

花發沁園春 一百五字

劉圻父

換譜伊涼選歌燕趙一番樂事重起花新笑靨柳軟纖

腰齊楚衆芳園裏年年佳會長是傍清明天氣正魏紫

衣染天香

句

蜀紅粧破春睡

句

一簇猩羅鳳翠遍東園西

城點檢芳字

句

銓齋吏散畫館人稀

句

幾闌管絃清脆人生

適意流轉共

句

風光遊戲到遇景

句

取次成歡怎教良夜休

句

醉

醉

此與沁園春絕異因以名類從列此又因沁園春是古調且多作者其名最顯故列之于前而以此調附後焉花新以下與後銓齋以下同東園西城四字俱平不可反點檢要二仄字不可平花庵詞用天姿妖嬈不減姚魏二句正與此同圖譜亂註切不可從會意二字是叶韻花庵用砌美二字圖譜失註是使此調少却二韻矣

洞庭春色 一百十三字

陸游

壯歲文章暮年勲業句自昔誤人算韻英雄成敗句軒裳得失句

難如人意句空喪天真叶請看邯鄲當日夢待收罷黃梁徐

欠伸方知道豆許多時富貴何處關身叶人間定無可意句

怎換得玉鱠絲蓴叶且釣竿魚艇句筆牀茶竈閒聽荷雨句一

洗衣塵洛水情關千古後句尚棘暗銅駝空愴神何須更句

慕封侯定遠句圖像麒麟叶

此調與沁園春秦詞全合似應不必另列然怎換得  
句七字與秦之但依依以下九字不同而書舟錦字

親裁一首亦名洞庭春色亦于此句作但贏得雙鬢  
成絲七字是或此格別名洞庭春色耳故雖附于沁  
園春之後而仍其洞庭春色之名正如過秦樓之于  
惜餘春慢也程詞于尚棘暗句缺尚字此句對前待  
炊罷不可少此一  
字程刻乃誤耳

摸魚兒

一百十六字  
又名買陂塘

兒或作子  
安慶摸

張翥

漲西湖半篙新雨

句

趨塵波外風軟蘭舟同上鴛鴦浦天

韻

可平

氣嫩寒輕暖簾半捲

叶

度一縷歌雲不礙桃花扇

叶

鶯嬌燕

叶

可平

婉任狂客無腸

句

王孫有恨莫放酒杯淺

叶

垂楊岸何處

可平

紅亭翠館

叶

如今遊興全嬾

叶

山容水態依然好

句

惟有綺羅

可平



雲散君不見叶歌舞地青蕪叶滿目成秋苑叶斜陽又晚正落叶

絮飛花將春欲去目斷水天遠叶

趨塵下與後如今下同按摸魚兒調最幽咽可聽  
然平仄一亂便風味全減如趨塵句如今句必要平  
平平仄平仄天氣句惟有句必要平仄仄平平仄  
而何處句則必要平仄仄平平仄反圖譜總用混註  
簾半捲之半字君不見之平字或有平聲者然不  
如仄為佳蓋此用仄而下歌雲用平正是抑揚起調  
處也燕婉又脫去上妙妙不可用平仄至酒字水字  
則自有此調以來使用仄字曾見舊作有以平平仄  
為然者否註曰可平是作譜者之創見也然見有時  
流亦往往誤用者度一縷及歌舞地以下十字必于  
上三字為豆而下用七字句方妙人多作兩五字句  
雖無碍音律而覺于調情不愜知音者熟味自知之

耳 又按各刻如度一縷十字竹山多一字芸窗少一字書舟碧山于後結多一字此類甚多乃傳刻之誤又芸窗于歌舞地下十字用看塵袂方清有恩綸催入句法差詞綜載何夢桂于山容句用風急岸花飛盡也平仄全拗此則係作者之誤也又夢桂天氣句用折不盡長亭柳李彭老惟有句用一葉又秋風起俱三字一豆此係偶筆不必學也 晁無咎此調起句買陂塘旋栽楊柳故人取其首三字名此調為買陂塘而又寫差以買作邁試問陂塘如何邁法何不通至此俗傳笑府所謂春雨如膏夏雨如饅頭周文王如燒餅也豈不絕倒哉 沈氏收杜伯高一首于君不見下云君試問問此意只今更有何人領因誤落一問字天羽遂認此調後段少一字奇矣又收徐一初于簾半捲下云君看取便破帽飄零也傳名千古蓋本是也博名千古耳不知博字而以傳名相連妙絕

又一體

一百十七字

歐陽修

卷繡簾梧桐秋院落句一霎雨添新綠韻對小池閒立殘粧

淺向晚水紋如縠凝遠目恨人去寂寂鳳枕孤難宿倚

闌不足看燕拂風簷蝶翻露草兩兩長相逐作平雙眉蹙作平

可惜年華婉婉句西風初弄庭菊句况伊年少多情未已難

拘束叶那堪更趁涼景句追尋甚處垂楊叶曲佳期過盡句但不

說歸來多應忘了雲屏去時祝叶

此調惟歐公有此詞宋元諸公無有作者前段起句多一字次句平仄亦異三句亦多一字結用長字平

聲俱與本調不合後段則竟全異結用屏字平聲亦不協雖錄于此然必係差錯不可法也

詞律卷十九